

SEPTVAGENARIVS  
ABSENS FACTVS  
QVANDO MORTVVS  
PRAESVMATVR?

DISQVIRIT

ET

ILLVSTRIS ICTORVM ORDINIS AVCTORITATE

PRO

SVMMIS IN VTROQVE IVRE  
HONORIBVS

DIE XV. APRILIS ANNO MDCCLL

RITE CONSEQUENDIS

P R A E S I D E

DN. FERDINANDO AVGVSTO  
HOMMELIO

P. P. O. ET FAC. IVR. ADSESS.

DISPVSTAT

AVCTOR ET RESPONDENS  
IOANNES DANIEL OLENSCHLAGER

MOENO-FRANCOFVRTENSIS.

---

L I P S I A E  
EX OFFICINA LANGENHEMIANA.



THE UNIVERSITY OF CHICAGO

LIBRARY

OF THE

PHYSICS DEPARTMENT

CHICAGO, ILL.

RECEIVED

APR 11 1961

1961

PHYSICS DEPARTMENT

CHICAGO, ILL.

LIBRARY

OF THE

PHYSICS DEPARTMENT

CHICAGO, ILL.

RECEIVED

APR 11 1961

1961

PHYSICS DEPARTMENT

CHICAGO, ILL.

V I R O  
PERILLVSTRI, GENEROSISSIMO  
ATQVE AMPLISSIMO  
D O M I N O  
IOANNI DANIELI  
DE OLENSCHLAGER  
POTENTISSIMI POLONIARVM REGIS,  
ELECTORIS SAXONIAE, AB AVLAE  
CONSILIIS  
SENATORI LIBERAE REIPVBLICAE  
FRANCOFVRTENSIS.  
PATRVO PISSIMO CVLTV  
DEVENERANDO.

S.





*Q*uod diu, **VIR PER-  
ILLVS** RIS, intra  
mentem haesit propo-  
situm, ut, si quando  
occasio ferret, publicum pietatis in Te meae  
monimentum statuerem, illud in praesentia  
incredibili cum voluptate animi perago. Hoc-  
ce enim officium cui potius quam mihi, aut  
quando magis usurpandum colendumque est,

quam eo tempore, ubi, exantlatis laboribus  
academicis, viam mihi ad summos in iure  
honores specimine quodam publico parare iu-  
beor? Ad Te nimirum, VIR PERIL-  
LVSTRIS, quem parentis loco veneror,  
sub cuius tutela saluae hucusque res meae fue-  
runt, qui studiorum non solum meorum ve-  
rum vniuersae fortunae meae auctor suasor-  
que fuisti, ad Te, sicut omnia referre debeo,  
ita hunc qualemcunque ingenii partum redi-  
re iubet pietas. Innotescat orbi literato,  
cuius examini academicus hicce libellus a me  
subiicitur, et qui, ut hoc poetae utar,

Per titulos memoresque fastos  
nomen Tuum aeternat, innotescat omnibus,  
quanta fide, integritate, sapientia, quanta

*virtute rebus meis prospexeris. Tantum  
abest, ut, quod ille ait:*

*Tutorisque supercilium, patrumque  
rigorem  
vixquam senserim, ut potius insita Tibi co-  
mitate paternoque amore ac consilio tutelam  
gesseris atque curam. Celebret gens litera-  
ta eruditionis Tuae monimenta in omnem ae-  
tatem duratura; enumeret patria ingentia,  
quibus ipsam ornas, decora; mihi vero unum  
hoc integrum sit, fidem in me Tuam, Tuum-  
que amorem perpetuis adornare laudibus.  
Inter reliquas enim virtutes, quas in Te mi-  
ramur, nescio an ulla eminentior dici possit  
ea, qua Te noscere mihi potissimum licuit.  
Erit proinde sempiterna eius rei apud me re-  
corda-*

*cordatio, erit gratissima per omnem vitam  
memoria. Deum pro incolumitate Tua supplex  
veneror; Tu adde hunc benivolentiae Tuae  
cumulum, et fac benigniter, ut proprium  
semper sit et perpetuum amoris Tui be-  
neficium*

**NOMINIS TVI PERILLVSTRIS**

**LIPSIAE**

**Scribendam d. XV. April.**

**M DCC LI.**

**CULTORI ADDICTISSIMO  
IO. DANIEL OLENSCHLAGER.**





CONSPECTVS  
DISSERTATIONIS.

- §. I. *Summus Absentium fauor.*
- §. II. *De Curatore Absentis, eiusque officio.*
- §. III. *Quomodo haec cura finiatur? scilicet re-  
ditu absentis; aut eius morte siue proba-  
ta, siue praesumta.*
- §. IV. *Mors quomodo probetur?*
- §. V. *Mors quando praesumatur? Praemi-  
tuntur hic generatim quaedam de Prae-  
sumtionibus.*
- §. VI. *Variae de tempore, quo mors praesumi-  
tur, opiniones.*

§. VII. *Laudatur Glossae et FINCKELTHAVSII opinio, qui absentem non prius mori, quam si centesimum annum superauerit, praesumunt.*

§. VIII. *Vulgaris opinio omninoque recepta, cui CARPZOVIVS inprimis patrocinator, absentem nempe, si septuagesimum annum transegerit, pro mortuo habendum.*

§. IX. *Singularis quaedam facti species, quae huic dissertationi conscribendae causam dedit, de sene quodam Radeburgensi, qui, postquam annum septuagesimum secundum iam superasset, demum abiit.*

§. X. *Hic septuagenarius absens factus, quo tempore mortuus videatur?*

§. XI. *Sententia Facultatis Iuridicae Lipsiensis pluribus Legum documentis et rationibus confirmatur.*



DISSERTATIONIS  
DE  
SEPTVAGENARIO  
ABSENTE FACTO  
INITIVM.



§. I.

Summa fuit Romanorum in protegendis defendendisq; iis, qui se ipsos nequeunt tueri, providentia. Primariam dixeris et quasi gentilitiam huic populo virtutem, ut superbos debellare, ita infirmis atque subiectis parcere, horumque saluti quibuslibet modis prospicere. Hinc tot fauorabilia pupillorum iura; hinc illae restitutiones in integrum; hinc alia, quae enormia dicere possis, et plane exorbitantia minorum privilegia. Existimabant nempe

*Imbecillorum esse aequum misererier omnium,*

vt ait LVCRETIVS *de Rerum Natura Libr. V. v. 1022.* Sane qui minoribus defendendis tutores constituuntur, non priuatam rem gerere, sed personam Populi Romani sustinere videbantur. Tuetur enim minores ipse populus; curatores vero tutoresque alii non sunt, nisi totius populi ad infirmos defendendos quasi publici Procuratores. Ideoque non priuatum sed publicum eorum munus dicitur. *pr. l. de excus. tut.* Totius quippe reipublicae interest, eos defendi, quod vel ex eo satis intelligi potest, quod suspecti postulatio *Accusatio Publica* a IVSTINIANO dicitur §. 3. *l. et l. 1. §. 6. D. de susp. tut.* quo quid quaeso aliud significatur, nisi rempublicam ipsam damno affici, quoties infirmi, qui defendere se non possunt, laeduntur. Nouimus enim, publicas accusationes ideo omnibus patere, quia omnes tali crimine, quod publicum dicitur, offenduntur. Quam ob rem si suspecti quilibet ex populo tutorem postulare potest, satis est manifestum, pupillo laeso ipsam rempublicam violari. Et quia tutores totius populi personam sustinent, hanc ipsam ob causam non licuit magistratui vlli tutores facere, vt et consulem et praetorem creare nisi populus nemo poterat. *l. 6. §. 2. D. de tut. dat. l. 1. pr. de offic. eius cui mand. iurisd.* Hinc cum necessitas postularet, vt hac cura tutores constituendi extra ordinem praetori vrbano mandaretur, id imprimis lege Atinia cautum, vt non aliter ab eo tutores darentur, nisi consentiente maiore parte Tribunorum plebis, qui populum quodammodo referebant. Est enim tutoris tale plane officium, quale Con-

Consulis aut Quaestoris aut Praetoris fuit; sed quoniam illud cum maximo incommodo nostro, saepe etiam cum sumtu, et sine titulo dignitatis subire cogimur *L. 14. D. de muner. et honor. fieri solet*, ut tutelam ciues quibuslibet modis declinare studeant, at Consulatus et Praeturae honores summo cum ambitu certatim expetantur. Sed haec differentia, ut dialectici loquuntur, non variat speciem, diciturque tutela merito officium munusque publicum priuati hominis, ex quo commodum ad singulos vniuersosque ciues remque eorum peruenit. *L. 239. §. 3. D. de Verb. Sign. iunct. pr. I. de excus. tut.* Haec omnia satis declarant, rem maximam visam Romanis, eos, qui se ipsos tueri impediuntur, quam accuratissime potest, defendi. Haec omnia vero, quae de pupillis dicta sunt, applicare ad Absentes merito possumus. Neque enim impuberibus tantum, sed furiosis etiam, qui absentibus in iure comparantur, et mutis surdisque, imo ut generatim dicamus, omnibus iis, qui suis rebus ipsi superesse nequeunt, tutores, curatores, defensoresque concedi nouimus. Absentium imprimis tantus fauor, quantus minorum est; utque minoribus, sic his etiam restitutionem in integrum in pluribus edictis praetor pollicetur. Et si reipublicae interest, minores defendi, ut modo declarauimus; sane idem de absentibus statuamus, necesse est. De his enim idem plane disertis verbis *VLP. IANVS, publice interesse, absentes defendi* ait *L. 33. §. 2. D. de procurat.* Itaque absentes publice h. e. ab vniuerso populo defenduntur.

Haec res nos dubitare non finit, quin eius, qui Absentem tuetur, Publicum munus haberi debeat. *L. 1. §. ult. D. de muner. et honor.* Dubium quodammodo mouet Vlpianus, qui Curatoris bonis dati officium mere priuatum asserit. *L. 2. §. 3. D. de curat. bon. dand.* Quae oratio, ne nos conturbet, Vlpianum eo loco de Curatore bonorum loqui tenendum est, qui consensu creditorum eligitur, non vero a praetore constituitur. *L. 2. pr. D. eod.* Alia vero est ratio eius, qui absentem tuetur. Ille enim bonorum Curator consensu plurium creditorum eligitur, et reuera non est alius, nisi creditorum mandatarius, cui hoc committitur, ut bona communis debitoris, qui foro cessit, rem interea sequestret. Merus hic inquam creditorum mandatarius est, unde etiam non alia actione nisi Mandati conueniri potest, quod, etsi non plene, tamen quodammodo intelligitur ex *L. 9. §. 3. et 5. D. de reb. auct. iud. poss. L. 1. §. 22. D. de ventre in poss. mitt.* At de Absentis Curatore aliter statuere debemus. Nam quia publice interest, absentium iura facta rectaque conseruari *L. 33. §. 2. D. de procurat.* quin tale munus publicum sit, ambigere non possumus. *L. 239. §. 3. de V. S. in iust. princ. l. de excus. tut.* Ex quo consequitur, ut etiam inuiti possint dari, ne forte solos voluntarios ad id quaerendos opinemur.

Haec cum differimus, fere ipsius definitionis oblitum sumus, quam, ne latissimae culpa a dialecticis arguamur, in tempore suppeditare cogimur. Absentem scilicet in hac Dissertatione accipere debemus eum, qui nusquam est;

*est*; siue vt clarius dicamus, *qui penatibus et sede sua relictis, gentium vbinam degat, penitus ignoratur.* Taceret nos vero, futes illas ac ineptas interpretum diuisiones Absentiae, et quot modis aliquis absens dici possit, flexuosas cogitationes ac superuacaneas huc transcribere. More enim suo hic etiam otiosas quasdam ac dediscendas affanias loquuntur, qualis est illa Absentiae diuisio, cum aut Ordinarie quem abesse dicunt, aut Extraordinarie. Ordinariam vocant absentiam, vbi quis non est in iis locis, in quibus nec alias solet commorari, quemadmodum ego ordinarie absum Roma. Extraordinaria vero est, quando quis in eo loco non est, vbi habitare solet. Non adeo magni momenti diuisio ista. Quod si illa tamen cuidam retinenda videatur, vt nostram orationem vulgo accommodemus, in hac disputatione Extraordinariam significari, vnusquisque intelligit.

## §. II.

Iam postquam demonstrauius, Absentibus aequae vt furiosis et minoribus publico iure succurri, propius accedentes ad rem propositam, quo in primis pacto, quibusque mediis iis prospiciatur, ostendamus. Scilicet vt opes ac fortunae eorum ab omni incommodo, detrimento et molestia sinceræ ac integræ eo melius conseruarentur, placuit bonis eorum custodiendis, vsque dum redeant, Curatorem constitui, qui cautione idonea si satisdederit *O. P. R. ad tit. XLV. §. 1.* exemplo eius, qui furiosum aut ventrem tuetur, in omni causa ipsum defen-  
filiac

filiae nupturae promissam a consistorio dotem numeret  
*l. 28. C. de Episcop. audient.* Sed quid si filius filiae nuptias inire velit, an tum etiam Absentis loco consensum interponet Curator. Neutiquam! Nouimus veterem inter Proculianos et Sabinianos controuerfiam fuisse, vtrum furiosi, siue quem nos surrogamus, Absentis filius (nam furiosi absentibus in iure comparantur, *L. 12. §. 2. D. de tut. dat.* possumusque eam ob rationem a Curatore furioso dato ad Absentis defensorem tuto argumentari) omnino nuptias contrahere possit? Id Proculiani negabant *L. 25. C. de nuptiis*, quia necessario parentum consensus in liberorum nuptiis requiritur, qui si desit, nuptiae nullae sunt. *pr. I. de nupt. L. 25. D. de ritu nuptiar.* Absentis vero ut et furiosi cum nulla voluntas sit, ut ait POMPONIVS *L. 40. D. de R. I.* neque eorum liberos nuptias contrahere posse, asserbant. Verum hanc controuerfiam penitus IUSTINIANVS consopiiuit, *L. 28. C. de episc. aud.* ut iam nemo dubitet, quin hodie Absentium aut mente captorum liberi nuptias inire iustas possint, modo parentum loco Episcopus, apud nos Consistorium, consentiat. Nam *absentis partes iudex adimplet*, ut in alia causa Imperator ait *L. ult. pr. C. de appell.* Caeterum Curator omnia absentis nomine gerit, ita quidem, ut etiam actus, qui speciale mandatum requirunt, expedire possit *O. P. S. R. ad tit. IX. §. 3. iunct. §. 4.* Nam hereditatem absentis nomine cernit, *arg. L. 18. pr. §. 1. 2. C. de iure delib. L. ult. §. 3. C. de curat. furios.* imo feudum, si quoddam absenti deferatur, eidem acquirit, et inuestituram petit, *vid. Leshus*

Ord:



Ordnung de a. 1652. in Tom. III. C. August. p. 351. et 354. Et quid omnia eius officia commemorem? Breuiter dici potest, eius munus per omnia simile esse muneri eorum, qui minoribus et furiosis dantur. Ecce enim in O. P. S. R. ad Tit. IX. §. 4. cum antea tutorum et minoribus datorum curatorum mentio facta fuisset, adiiciuntur haec: *Gleiche Bewandniß hat es auch in diesen alleß mit denen Curatoribus Absentium et Furiosorum und dergleichen Personen.* Plane vt HERMOGENIANVS L. 1. §. ult. D. de *muner. et honor.* *His similes sunt bonis dati curatores, quae fuerunt eius, qui ab hostibus captus est et reuerti speratur. Item custodiendis ab eo relictis, cui nec dum quisquam ciuili vel honorario iure successit curatores constituti.* Finita hac curatione obligatur absentium curator ad rationes reddendas, et bona, relaxata cautione, restituenda. Quod si facere recuset, quaeritur, qua actione conueniendus sit? Peculiaris quidem ex hoc negotio nulla actio a prudentibus proposita fuit. Nam cum in Legibus XII. Tabularum de hac absentium cura nihil scriptum esset, inde euenit, vt neque pontifices de ea peculiarem ac propriam quandam formulam excogitarent. Est enim absentium cura iure formulario multo recentior. Neque introducta per Legem aliquam perlatam haec absentium cura est, vt ex ea lege agendi formula siue actio nasci possit. Quoties autem euenit, vt negotio cuidam nulla proprie lex constituta sit, vtilibus actionibus res peragenda est. Ita enim QVINCTILIANVS in *Declam.* 350. scribit: *Quotiens aliqua propria actio non detur, uti solent*

B

proxi-

*proxima et simili.* Qua ergo actione absentis curatorem ad rationes reddendas adigamus, et quali quaeso formula utamur? Negotiorum gestorum, nisi fallimur, iudicio conueniendus ille erit, quod facile probamus ex *L. 4. §. 3. de tutel. et rat. distrab.* ibi *PAVLVS: Cum furiosi curatore non tutelae, sed negotiorum gestorum actio est*, et confirmamus rescripto *SEVERI ET ANTONINI*, quod *L. 1. C. quod cum eo qui in alien. pot.* inuenitur in hanc sententiam: *Cum filius familias tutor aut CVRATOR datus: pater tutelae vel NEGOTIORVM GESTORVM iudicio de peculio et de in rem verso conueniendus est.*

### §. III.

Nunc, quomodo haec cura finiatur, declarandum est. Non solum autem illa modis communibus, quibus caeterae expirant, finitur, sed etiam modis quibusdam propriis, nempe aut reditu absentis, aut eius morte siue probata, siue praesumta. Haec enim si acciderint, a curatore bona restituenda sunt. Et morte quidem absentis probata tradi debent ea, plerumque quidem absentis proximis cognatis, sed interdum etiam aliis. Nam si is, qui diu absuit, heres in testamento scriptus reperiatur, aut ei legatum relictum fuerit, capit quidem nomine absentis domini legatum is, qui curator eidem datus est, hereditatemue adit, arg. *L. ult. §. 3. C. de curat. fur.* sed nuntio de morte eius allato, si ante testatorem extinctum esse constet, tunc sane non absentis heredibus, sed testatoris cognatis §. 7. *I. de hered. qui ab intestat.* aut coheredi *L. 7.*

*D. de*

*D. de R. I. collegatariorum §. 8. I. de legat. quibus illa portio adcrefcit, tradatur.*

§. IV.

Diximus curam abfentium finiri, reditu domini, aut eius morte fiue *Probata*, fiue *Praefumta*. Itaque primo loco anquiramus, quibus modis mors alicuius probari poffit? Repetenda vero hic illa, quae Rhetores excogitarunt, probandi genera. Artificiale vnum, alterum inartificiale vocarunt. Multa de utroque leguntur apud ARISTOTELEM *Rhetor. 1. 2. et 15.* et apud QUINCTILI-  
ANVM *Inft. Orat. V. 1. 5. 7. feq.* Nempe fi quid tabulis, aut teftibus, aut per tormenta in lucem proferas, inartificialem probationem vocauere, quia vnusquisque et ftupidiſſimus e vulgo hac ratione iudici facile rem approbare poteſt. Alterum vero, quod huic opponitur, acutum illud et ingenioſum demonſtrandi genus, quod artificiale nominatur, maiorem animi intentionem ac circumſpectionem deſiderat. Eſt enim hoc extra tabulas et literas poſitum, et in ſolis coniecturis verſatur, quale eſt, ſi v. gr. documenti alicuius fidem infracturus ſis; ipſa autem tabulae inſpectio falſum non prodat, ſolo ingenio armatus, forte ſignatorem ante diem, quem ſubſcriptio prodiſt, mortuum, et ſic tempora non congruere, aut antecedentia cum conſequentibus pugnare, ſimiliaue proferas. Expoſito igitur et demonſtrato, quae artificialis, quaeue inartificialis probatio dicatur, iam videamus, an etiam in morte aliqua probanda, artificiali genere uti poſſimus? Qua in quaefione video pleroſque ita exiſti-

mare, in morte alicuius approbanda liquidissimis indiciis opus esse, nec coniecturali genere nos uti posse; praesumi enim, unumquemque vivere, donec probetur contrarium; hic autem tabulis vel testibus clarissimis opus esse. Nos contra. Quamquam enim non negemus, absentem tum demum, cum annum septuagesimum, aut quod alii malunt, centesimum superauerit, mortuum praesumi; tamen haec Praesumptio iuris est, quam semper vincit ac pellit probatio, siue illa artificialis sit, siue inartificialis. Nonne enim si navem, qua quis vectus est, fluctibus fractam constiterit, nemoque ex sociis, qui una profecti sunt, reuertatur, magna fides iudici fiat, periisse etiam eum, de cuius hereditate quaeritur? uti in tali casu pronuntiatum in summo prouocationum Tribunali Dresdensi in Causa D. I. H. K. Anno 1730. *Daß Appellantens principale wegen ihres Bruders D. I. H. K. ausgesetzten Antheils der väterlichen Verlassenschaft Caution zu bestellen nicht schuldig, sondern ihnen solcher schlechterdings abzufolgen.* Itaque si praesumptio iuris semper probationi cuicunque cedere debet, ut in confesso est, quin etiam in probanda alicuius morte artificiali genere uti liceat, nullus dubito. Nam artificialis probatio etiam est probatio. Quomodo autem haec, quae artificialis dicitur, fieri debeat, nullam certam regulam tradere possumus, sed in vnaquaque specie singula, quae circumstant, expendenda sunt. v. c. An diu quis absit? cuius aetatis sit ille, de cuius vita dubitatur? quando abesse coeperit? quorsum et per quae loca profectus

etus

Etus sit? an proelio, quo ad vnum omnes caesi fuerunt, interfuerit? quo tempore nauigauerit? vtrum sociorum et conuectorum quidam an nullus reuersus sit; et quae sunt reliqua. Ex his simul consideratis et collatis inter se iudicis est, coniecturam capere, an ille, de cuius vita et hereditate quaeritur, esse desierit, an adhuc viuere possit? Nam plurima hic iudicis est in arbitrando potestas. *arg. L. 3. §. 2. D. de testib.*

Haec de artificiali mortis probatione; sequitur inartificialis, quae fit testibus, tabulis, inspectione oculari, et iuris iurandi delatione. Videamus ergo, quomodo mors alterius per testes, quomodo per tabulas, quomodo denique per conditionem iurisiurandi oblatam doceatur?

Primo igitur mortuum eum esse, de cuius hereditate controuersia est, fide dignorum hominum testimonio probare possumus, qui *deponant*, se mori vidisse eum vel efferri; ad quod etiam vnum testem satis idoneum credunt *arg. c. 19. X. de spons.* Si testes non sint, documenta forte erunt. Nam et tabulis possumus aliquem mortuum esse demonstrare, quales sunt Attestata Rectorum ecclesiarum, Tribunorumue militum, vulgo *Toden Scheine*. Neque tamen fidem plenam conciliabit solius Pastoris testimonium, si in hoc censualium librorum, in quos defuncti referuntur, *derer Kirchen Bücher*, mentionem faciat seque ad illos referat. Hoc enim mere priuatum, non publicum documentum dicetur, ac comparari poterit depositioni testis, qui suae scientiae nullam

rationem reddit, quod inualidum haberi demonstrat OL-  
DENDORPIVS *cap. V. de testibus num. 4.* sed quid si in  
tabulis incidenter mortis mentio fiat, an haec aliquam  
fidem factura est? vt: si nomini cuiusquam vox *Quon-*  
*dam* adiecta legatur, v. c. daß Martin Blume Weyland  
Bürger und Weißgerber allhier? hoc vnicum verbum tam-  
etsi plene non probabit, tamen ianuam posse purgatorio  
suppletorioe iuramento aperire, merito iudicamus. Re-  
stat probationis vulgaris vltima species per iurisiurandi  
delationem, quae mediis probandi a nostris annumeratur.  
Si enim ille, cui iurisiurandi conditio oblata fuerit, iura-  
re noluerit, videtur tacite eo ipso contrarium profiteri  
eius, quod deferens asserit. Iam cum ea, quae quis in  
iure siue vere siue fide confessus fuerit, pro veris et iudi-  
catis habeantur *L. 56. D. de re iudic. t. t. D. de confess.* non  
plane inepte iurisiurandi delatio extraordinarius modus  
probationis dicetur, nec dubium, quin etiam in morte pro-  
banda iusiurandum alteri propinare possimus. Nam si  
ita in testamento scriptum sit: Heres meus post mortem  
Titii liberis eius hereditatem restituito; si liberi, vivat  
Titius nec ne? ignari sint, non potest vlli esse dubium,  
quin fiduciario heredi super parentis morte iusiurandum  
deferre possint, et si is iurare nolit, illico hereditas fidei-  
commissariis debeat.

Potest autem ob varias causas fieri vt alterius mortem  
probari necessarium videatur. Maxime vero in heredi-  
tatis petitione illud opus est. Quia enim viuentis nulla  
est hereditas, primum est in hac actione, vt mortem pro-  
bemus

bemus eius, cui successuri sumus. Porro mors probanda est, si coniux absentis ad secunda vota progredi velit, *L. 6. D. de diuort. L. 7. C. eod. eique adiecta aurb. Hodiern. 19. X. de sponsal.* Item si heres alimenta amplius praestare absenti nolit, curator ei mortem probare debet, nam alimenta per totum vitae tempus debentur. *L. 14. pr. D. de alim. et cib.* Item si annuum sit legatum, quod legatario mortuo desinit deberi. *L. 4. D. de annuis leg.* Sed et in aliis innumerabilibus causis mortis probatione non raro opus est.

Saepius tamen hac difficili probatione superfedere possumus. Nam si pro eo, qui probare debet, iuris praesumptio militet, hoc onus in aduersarium deuoluitur, quia praesumptionum ea vis et natura est, ut a necessitate probandi eum, cui patrocinantur, releuent. *L. 25. pr. D. de probat.* Haec ratio enim est, ut si seruitutem ad alium pertinere neges, instituta negatoria, licet sis actor, probare tamen non tenearis, sed aduersarius probatione oneretur, quia unusquisque fundus liber praesumitur, donec contrarium probatum fuerit. Sola igitur haec te praesumptio tuetur. Posteaquam ergo, quomodo mors probetur, satis videri possumus dixisse, iam veniamus ad alterum, et mors quando praesumatur, similiter ostendamus.

§. V.

Ingredientes vero amplum illum, in quo et alii satis vagati sunt, et spatiosum campum, Praesumptiones, ex quibus causis oriantur et quales sint, paulo altius repetere et hanc

hanc materiam accuratius iuvat exponere. Solent veteres eam, quam nos praesumptionem appellamus, existimationem, siue opinionem probabilem vocare, cui scientia firma et certa opponitur. Quemadmodum enim scientia ex certis et indubitatis argumentis gignitur, ita opinio a probabilibus. Itaque praesumere non scire significat, sed credere. Plane ut scriptura sacra multa, quae intelligentia nostra adsequi non possumus, credere praecipit, sic iure ciuili plurima praesumere iubemur. Nec tamen in iure solum, verum etiam in vita praesumptionum maximus usus est. Nam pauca admodum, siue ut verius dicam, nihil omnino scimus. Si enim in vita et quotidianis conuersationibus omnia ad liquidum et confessum perducere, si nullam propositionem nisi certam ac firmiter comprehensam admittere velimus, quae quae-so illa vita futura sit? Subinde apud me illam philosophorum nimiam subtilitatem spernere soleo, qui omnia ad mathematicam demonstrandi rationem reuocanda, et probabilitatis nullam rationem habendam putant. Qui quidem demonstrandi quaelibet, ut ita dicam, enthusiasmus, si diutius adhuc grassabitur, res ad postremum eo perueniet, ut illi acutissimi homines in confabulationibus ac conuersationibus familiaribus omnia per axiomata, theoremata ac postulata proposituri, et in discessu non Vale, sed illud: Q. E. D. dicturi sint. Videant illi, ne per hanc philosophiam vita eorum et corpus aliquid detrimenti capiat. Vereor enim, ne ei, qui nihil, nisi quod demonstratum ac firmiter comprehensum sit, admittere velit,



velit, cito fame et siti pereundum sit. Nam si tibi vinum fortasse propinetur, vnde tu scire certo potes, venenum abesse? si domo egrediaris, an firmiter quaeso scis, te reuersurum esse? Credis tu quidem, sed scire non potes. Sitiendum igitur tibi et domi permanendum, si consentaneam doctrinae tuae vitam agere velis. Nihil enim nisi euidencia ac certa admittere soles. Nos vero, communi sensu vtentes, et spatiabimur et bibemus securi. Cum enim toties vinum hauferimus, nec illud vquam fuerit venenatum, credimus neque huic venenum inesse, ergo bibimus, quia hoc certo praesumimus. Nam in vita et in iudiciis exercendis multa sequetur sapiens et iudex probabilia, non comprehensa, neque percepta, sed similia veri. In iudiciis sane non illa apodictica et mathematica veritas, quae omne dubium excludit, requiritur. *c. 14. X. de probat.* THOMASIVS in *diff. de fide iuridica cap. I.* Multus hic ergo et longe maximus praesumptionum vsus. Sedulo autem animaduertens in id, quod omnes praesumptiones inter se commune habent, quotquot earum sunt cognoui eas omnes vna in hac regula fundari: *Vt quod plerumque fieri solet, id in simili causa iterum euenisse* praesumamus. Credimus omnes, cras solem exorturum esse. An hoc certo quisquam nouit? Nullo modo. Quis enim fati coniunctiones et huius mundi machinam ita cognitam atque perspectam habet, vt impossibile esse et repugnans intelligat, si cras sol non oriatur. Sed quoniam haecenus semper ita euenisse recordamur, vt altero quouis die sol sidera fuga-

C

uerit,

uerit, quin cras idem euenturum sit, nulli dubitamus. Hoc vero ipsum est, quod praesumere dicimus. Omnis autem *vita* hominum meris praesumptionibus ducitur, vt recte omnino LEIBNIZIVS dixisse videatur: omnem vitam nostram et maximam partem opinionum nostrarum non esse aliam, nisi *expectationem similitum casuum*. Hanc igitur firmiter de omnibus praesumptionibus regulam teneamus: nempe ea praesumi, quae eueniunt saepius. Exempli petis? Ecce si solus cum sola, nudus cum nuda in eodem lecto deprehendantur, summus Pontifex c. 12. X. *de praesumpt.* adulterium tam indubitate praesumit, vt etiam, si probare velint, qui deprehensi fuerint, se caste et sine stupri cogitatione concubuisse, ne quidem audiantur. Quenam quaelo huius praesumptionis ratio? Quae? nisi illa a nobis superius praescripta regula: in simili causa iterum euenisse, quae plerumque solent, iamque saepius euenerunt. Non meminerat autem Sanctissimus pontifex, vnquam cum viro puellam in vnum lectum nudam conuenisse, vt ibi, quemadmodum glossa ait, simul pater noster orent, sed contra potius semper euenire, vt quoties ignis fomento adiucietur, flamma profiliat, itaque idem et tunc factum fuisse recte suspicatur. Proposuius praesumptionum exempla varia, quae si inter se contulerimus, obseruatis iis, quae omnibus sunt communia, praesumptionem ita, ni fallor, optime definiamus: *Praesumptio* est assensus per visa probabilia commotus. Sunt autem nobis probabilia, quae eueniunt saepius. Si igitur praesumptiones, vt modo diximus, secundum ea fiunt, quae saepius

saepius accidisse, obseruauimus, liquidum iam est et satis clarum, leges iudicemque non ea credere ac praesumere, quae raro fiunt, sed quae ἐπὶ τὸ πλεῖστον *L. 3. seqq. D. de legib.*

## §. VI

Ac de praesumptionibus generatim haecenus; nunc ut ex diuerticulo ad rem propositam reuertamur, quamdiu homo absens viuere et quando mori videatur, expendamus. Non enim debent absentis bona perpetuo a curatoribus administrari, sed aliquando restituenda erunt, nempe tunc, cum probabile esse desierit, absentem viuere. Hoc quo tempore fiat, iam dicendum est. Non vero opinio de hac re omnium eadem. Qui enim de hac coniectura aliquid litteris consignauerunt periti homines, alii ad aetatem absentis, alii vero in id, vtrum diu quis absuerit, siue ad tempus absentiae respiciunt. Fuerunt enim, qui, cum in *L. 7. C. de repud.* hoc rescriptum legissent: *Vxor, quae in militiam profecto marito post interuentum annorum quatuor nullum sospitatis eius potuit habere indicium atque ideo de nuptiis aliis cogitauit, non videtur nuptias iniisse furtiuas*, generaliter et in omni causa quatuor annis absentem pro mortuo haberent. Sed quum haec lex solum loquatur de eo tempore, quo derelicta vxor sine poena capitali ad secunda vota properare possit, et praeterea lex eadem per *auth. Hodie* eidem subiectam abrogata sit, qua quantiscunque annis mariti reditum praestolari mulieres iubentur, licet neque litteras, neque responsum ab eo acceperint, horum opinioni subscribere nullo modo possumus.

sumus. Accedit et hoc, quod allegata *L. 7.* non edictum est aut generalis constitutio, sed nudum rescriptum, quod ad Casus similes in eo haud expressos interpretatione non est extendendum. *NOODTIVS in Dioclet. et Maxim. cap. 2. NOORDKERK Obs. c. 5. p. 99. BRECKMANN de Henr. Modest. c. 7. p. 30. seq. et SCHULTING. in diff. pro rescr. Princ.* Merito ergo horum sententia recepta nunquam fuit, qui non aetatem absentis, sed annos absentiae respiciunt. Interim tamen solam absentiam quondam intuitus est *MATTHIAS IMPERATOR*, quando senatus Görlizenſi d. 29. Martii 1616. in hanc sententiam rescripsit: So befinden wir den Rechten und der Billigkeit gemäß zu seyn, und wollen: daß wenn einer dreyßig Jahr und Tag außer Landes gewesen, und keine Nachricht vorhanden, ob er noch im Leben, oder mit Tode abgegangen, ihr desselben Zustand seinen nächsten Erben auf ihr Ansuchen eigenthümlich ohne allen Fürstand und Verzinsung abfolgen laßet, jedoch mit der *Condition* und Versprechen, wenn sich über Zuversicht mit dem Abwesenden nach diesem was anders befinden und zutragen mögte, daß demselben dadurch nichts begeben, und ihm seine Forderung unbenommen seyn solle &c. Plura vide apud *BECHMANNVM ad D. de hered. pet. obs. pr. 9.* sed hodie nunquam anni absentiae attenduntur, sed hanc sententiam penitus obsoleuisse, *STRYCKIUS de success. ab Intest. diff. III. c. I. §. 3.* illustri praeiudicio confirmat.

Praevaluit enim contraria opinio, quae non absentiae annos sed aetatem absentis intuetur. Quaeritur autem, quot annos natum esse oporteat cum, quem mortuum

tuum praesumere possimus? In varias hic rursus Doctores vias sententiasque abeunt.

Primo quidem Aemilius Macer *L. 68. D. ad L. Falcid.* annos LX. vel LXV. hominis aetatem durare, quodammodo innuit, vnde et in absente HUNNIVS *ad Treutler. Vol. 2. disp. 4. thes. 12. qu. 35.* hanc aetatem expectandam putat, ut ea mortuus iudicetur.

Alii immane longum tempus huic praescriptioni determinant, nempe annos CXX, suamque sententiam stabiliunt omnipotentis Dei effato, qui *Genes. c. 6. v. 3.* ita ait: *Non permanebit spiritus meus in homine in aeternum, quia caro est, eruntque illius dies centum viginti annorum,* qui versus ita relatus est in *Decretum c. 75. de poenit. dist. 1.* Sunt etiam Hebraeorum quidam sapientes, qui nemini concessum esse dicunt, vivere ultra; referentes ipsum Moysen, Dei legatum, annos centum et viginti vixisse, eumque, cum quereretur, se iuvenem mori, responsum tulisse a numine: NEMINEM PLVS ESSE VICTVRVM. vid. TREBELL. POLLIO in *Claudio* et ARNOBIVS *lib. 2. aduers. gent.* Sed quis has fabulas credat?

Malumus referre, quid Glossa sentiat. Haec hominem centum annos vivere praesumit in *L. sed etsi sua D. de acquirend. hered. L. 2. §. si dubitatur D. quemadmod. testam. aper. L. ult. C. de SS. eccles.* cui accinit BARTOLVS in *L. 2. §. si dubitatur D. testam. quemadmod. ap.* aliique plures, quos recenset MENOCHIVS *consil. 60. no. 35.* Utuntur hi inprimis Caii decreto dicentis, centesimum annum finem longaeui hominis esse, quam duobus Pan-

destarum locis laudatam legimus, videlicet *L. 56. D. de usufr. L. 8. D. de usufr. legat.* Eandem aetatem homini etiam Iustinianus tribuit in Codice *L. 23. de SS. eccles.* *Sed ne videamur*, inquit, *in infinitum hanc extendere, longissimum vitae hominum tempus eligimus et non aliter eam actionem finire concedimus, nisi centum annorum curricula excesserint.* Irridentur autem illi veteres Bononien-  
ses iuris interpretes a plurimis, et inepti dicuntur, quod vnumquemque vsque ad centesimum annum viuere praesumunt. Quamquam enim nonnullos hunc terminum non solum attigisse, verum etiam transiisse in historiis legamus, tamen cum raro illud fiat, id praesumere non licet. Praesumuntur enim ea, quae vt plurimum fieri solent, non quae rarissime, ceu §. 5. demonstrauimus. Hoc cum dicimus, Caium erroris non inculpamus. Is enim non errauit, cum centesimum annum finem statueret longaeui hominis, sed illi errant, qui omnes homines longaeuos praesumunt, quod a Caio dictum haud est. Peruenire ad hanc metam homines quidem possunt, id nempe Caius ait, non autem solent. Hinc abhorrens a ratione iuris haec praesumptio, et penitus improbanda illa apud  
CARPZOVIUM P. 3. C. 15. d. 57. no. 5. decidendi ratio, qua quondam vsi sunt maiores nostri: *Die weil aus Vermuthung der Rechte der Mensch bis in die 100. Jahre zu leben geachtet wird.* Non enim plerosque homines tam diu viuere Caius dicit, sed plerosque non vltra viuere, quae plane diuersa sunt. At in praesumptionibus, non quod possibile est, spectari oportet, sed quod verisimile, vt et

nos

nos saepe diximus, et monet MENOCHIVS *Tr. de Praesumpt.* 49. n. 11. 12. 13.

### §. VII.

Quamquam igitur haec glossae praesumptio non videatur regulariter admittenda, magnae tamen auctoritatis inter nostrates ei patronus FINCKELTHAVSIUS extitit, cuius de ea re extat elegans disputatio, quae inter eius *Observationes Practicas* numero centesima est. Mirabuntur lectores nostri, hanc ipsam opinionem, quam in §. superiori damnavimus, nunc nobis ipsis placere. Quamquam enim prima specie falsa videatur, tolerari tamen poterat, si modo FINCKELTHAVSIUS et Glossatores animi sui sensa alio modo expressissent. Fallitur, qui omnes homines in dubio centum annos vivere putat, *arg. L. 3. 4. 5. et 6. D. de legib. Nov. 94. c. 2. L. 64. de R. I.* Sed potest eadem sententia aliis verbis aliaque ratione rectius exponi. Sane si ita enuntiasent: *Vnusquisque in dubio vivere praesumitur, nisi quis centesimum iann superaverit, hic enim mortuus praesumitur*, omne, ut opinor, punctum tulissent. Hoc enim ipsum est, quod Caius voluit, quando ait: longaeui hominis hunc terminum, hunc finem esse, quasi diceret: Post centum annos neminem vivere praesumi. Itaque hac ratione praescribenda erat regula: *Vnusquisque vivere praesumitur*, quae propositio ne paradoxa cuiquam videatur, rationibus corroboranda est. Tenebimus scilicet, nunquam iura mutationem factam praesumere. Nam mutatio facti est, probanda igitur, non praesumenda. Quamdiu enim de contrario non constar,

res

res omnes in eodem perseverare statu credimus, vt probat *ALCIATVS in Tr. de Praesumpt. regul. 2. praef. 27. n. 1.* et hoc vsque adeo, vt qui semel locuples fuerit, semper talis credatur *L. 5. §. 1. D. qui satisd, cōg.* Itaque qui heri vixit, etiamnum vivere existimandus est. Possumus eandem regulam etiam alia ratione demonstrare. Nouimus scilicet, seruitutem mortalitati, libertatem vero vitae comparari *L. 209. D. de R. I. L. 91. D. de solut. L. 59. in fin. D. de condit. et dem.* Quemadmodum igitur vnusquisque, donec contrarium doceatur, liber praesumitur, secundum illud, quod in XII. T. T. scriptum erat: *Si qui in iure manum conserunt, secundum eum qui possidet: ast si quem liberali causa manu adferat, secundum libertatem vindicias dato.* adde *L. 2. §. 24. D. de O. I.* ita etiam vnumquemque vivere putabimus, excepto, si quis annum centesimum expleuerit, tunc enim mortuus iudicatur *L. 56. D. de vsufr.* Hac ratione si *FINCKELTHAVSII* opinionem pronuntiemus, tolerari illa, nostro iudicio, poterit. In foro tamen recepta est alia sententia. Inualuit enim, vt absens septuaginta annis maior mortuus habeatur, quam, ne patronus ei desit, *CARPZOVIO* assignabimus.

### §. VIII.

*CARPZOVIVS* igitur *P. 3. Const. 15. def. 57.* post *MENOCHEM in Tr. de Praesumpt. 49. n. 6. 7.* et nonnullos alios veteres iuris interpretes, quos apud *MENOCHEM l. c.* videas, motus auctoritate *Psalmi 90. v. 10.* in quo scriptum est: *Erunt eorum anni septuaginta et in potentatibus octoginta, et si amplius labor et dolor,* absentem si annum



num septuagesimum expleuerit, iam pro mortuo habendum statuit. Hoc canticum non Dauidi sed Mosi tribuunt. Mira profecto res, Moſen, qui vixit centum et viginti annis *Deuter. 34. v. 7.* et cum moreretur, aegre tulisse fertur, quod iuuenis moreretur, aetatem hominis tantum septuaginta annis terminare. Haec quomodo cohaereant Theologi viderint; nobis retulisse sufficit, veteres Bononienſes et apud nos CARPZOVIVM his verbis commotos fuisse, vt centum annorum spatio, quo quondam vita humana circumſcribi solebat, cum id ipsis nimis longum videretur, septuaginta substituerent. Tanta autem fuit CARPZOVII auctoritas, vt licet FINCKELTHAYSIUS continuo reclamaret, eius sententiae omnes fere Iureconſulti et Dicasteria ſubſcriberent, vt haec ipsa iam communis et ab omnibus recepta opinio habeatur. Impium enim ac nefarium exiſtimabant, in eligenda iuris ſententia eam adoptare, quae ſcripturae ſacrae aduerſetur. Nam cum ipſi legiſlatores, et IVSTINIANVS inprimis, quam ſaeppiſſime ad diuina Oracula in condenda lege reſugiant, et inde rationes petant, multo magis decere interpretes, ius diuinum in oculis habere, *arg. L. 1. C. de ſumma Trinit. MASCARD. Tr. de Probat. Vol. 1. concluſ. 191. n. 12.* Haec igitur doctrina cum magis conuenire cum ſcriptura ſacra videretur, quam altera, neque etiam a ratione iuris abhorreret, communi omnium fere ſuffragio probata receptaque fuit. Etiamſi vero his diuinis oraculis non fulciretur, tamen ſatis magna cauſa fuiſſet, vt adoptaretur, quia plane etiam, vt iam

dicturi fumus, cum philosophia Romanorum, et ciuili ratione conuenit.

Nouimus enim, familiare hoc esse Iureconsultis antiquis, vt singulas vitae humanae periodos septennio circumscriberent, eumque, qui decimum septennium superasset, morti proximum iudicarent, et omnibus ob id numeribus negotiisque ciuilibus exsoluerent §. 13. *I. de excusat. L. 2. D. eod. L. 3. §. 6. D. de mun. et bon. L. 2. §. 1. D. de vacat. L. 3. et L. 5. §. 7. D. de iur. immun.* Cum enim animaduenterent, septimo quoque anno insignem mutationem homines subire, a SOLONE hoc docti, septuagesimo anno mortem non procul esse, iam antiquissimis temporibus agnouerunt. Neque haec arbitraria et omni ratione destituta, sed in ipsius naturae obseruatione fundata est doctrina. Ecce enim puer septennis dentes mutat, altero septennio pube vestitur, tertio septennio deponit lanuginem, et ita porro *septimus quisque annus aetati signum imprimit*, quae verba sunt SENECAE *de benef. Lib. 7. c. 1.* adde CENSORIN. *de die nat. c. 14.* MACROB. *Lib. 1. in Somn. Scip. c. 6.* VARRO *de ling. lat. Lib. 5.* ISIDOR. *Lib. 11. Orig. c. 2.* ARTEMID. *Lib. 2. c. 75.* AVREL. GALVAN. *de Vsufr. c. 10. §. 10.* Haec in natura fieri animaduertentes omnia interualla aetatum Iurisconsulti veteres septenis annis distinguebant, et hanc ipsam ob causam primo septennio infantiam finiri, altero incipere pubertatem statuebant. Nec in anno solum sed etiam in mense huic septenario numero, nescio quam, arcanam vim et potestatem tribuebant, vt etiam septimo men-

menſe partum maturum iudicarent; quae omnia illi priſtini debent philoſophiae ſOLONIS, cuius apud PHILEMONEM Iudacum *Lib. 2. de mundi opificio* extat de diuerſa hominum aetate, et vnus cuiusque ſeptennii primario munere notabilis elegia, quam LILIVS GREGORIUS ita latine reddidit:

*Impubes et adhuc infans, cum ſep̄ta molaris*

*Educit primum, SEPTIMVS ANNVS erit.*

*Dumque ALIOS SEPTEM Deus huic perfecerit annos,*

*Apparent pubis mollia ſigua nouae.*

*TERTIA mox veſtit tenera lanugine malas.*

*Heu, nimis aetatis ſlos cito praeteriens!*

*Iam iuuenem viresque facit tibi SEPTIMA QVARTA,*

*Virtutis proſert, certaue ſigna Viri.*

*Coniugis aetatem maturam QVINTA miniſtrat*

*Natorum et quibus eſt poſteritatis amor.*

*SEXTA homini mentem cunctos adducit ad uſus,*

*Qui queat ingenio rebus adeſſe ſuis.*

*SEPTIMA mente valet, valet et lingua; et ſimul iſti*

*OCTAVA, ambae annis quatuor atque decem.*

*NONA aetate etiam mage mollia ducere quibit*

*Virtutem ad magnam lingua etiam et Sophia.*

*Si quique ad DECIMAE menſuram exegerit annos,*

*Inteſteſtiuam non habet ille necem.*

Non inteſteſtiuam, inquit ſOLON, ſeptuagenarius necem habet; vnde ii, qui abſentem, ſimulac ſeptuageſimum annum expleuerit, mortuum praesumunt, parum a doctrina Romanorum aberrare videntur. Manauerunt

enim ex SOLONIS philosophia longe plurima ad iurisprudentiam Romanam. *c. 1. in f. dist. 7. §. 10. I. de iur. N. G. et C. MEVRSIVS in Solone et in Themid. Att. FORNERIVS rer. quotid. Lib. 2. c. 15. ANTON. THYSIVS in collatione legum Atheniensium et Romanar.* Haec de septimi cuiusque anni praestantia hactenus. Iam si velimus tempore et charta abuti, possemus equidem longe plura de septenario numero, cui, nescio quam, sanctitatem inesse credebant veteres, referre. Ipse IVSTINIANVS *L. 2. §. 1. in fin. L. 3. §. 1. in fin. C. de vet. iur. enucl.* non sine ratione ait, se pandectas in septem partes digessisse, *sed subtiliter in numerorum naturam et artem respexisse et in harmoniam.* Imo et BARTOLVS, cum iussu Caroli IV. Imperatoris Auream Bullam conderet, ad haec mysteria animum videtur intendisse; nam satis mystice in Prooemio A. B. ita scribit: *Septem electores sacri Imperii sunt, per quos velut septem candelabra lucentia in unitate spiritus septiformis sacrum illuminari debet imperium.* Si quis plura scire cupiat, hunc adire iubemus Dni PRAESIDIS dissertationem: *de numero septenario testium in testamentis §. 17.* Nobis autem hanc Carpzouianam de aetatis anno septuagesimo sententiam vltius rationibus confirmandi, non permittit angustia temporis. Et quid opus iis sit? cum illa iam ubiuis recepta in foro et schola dominetur, et merito communis dicatur opinio; secundum eam namque non tantum olim pronuntiarunt *Scabini Lipsienses* apud CARPZOVIUM *P. 3. c. 15. d. 57. n. 11. et F. I. W.* referente BEYERO ad *D. tit. de heredit. petit.*

*tit.* sed etiam nouissime hunc in modum respondit F. l. L. M. Sept. 1746. ad causas tutelares deputatis Dresden-  
 sibus in causa Grabings Verlassenschaft betreffend, daß der  
 Abwesende Friedrich Grabing (qui natus erat Anno 1675.  
 d. 10. Nou.) pro mortuo zu achten, vt et nuper modo  
 Mense Febr. hui. anni Iustituario Bunauensi in causa cura-  
 toris absentis C. A. ./. G. Hvt e rationibus Decidendi ap-  
 pareret: verb. Diweil auß dem fol. 7. Vol. sub A. befindlichem  
 Attestate, daß Christoph Arnold Anno 1680. d. 6. Febr. ge-  
 bohren, und daraus, daß da er nunmehr das 70ste Jahr  
 seines Alters erfüllet, und bekannten Rechten nach pro mor-  
 tuo zu achten, zu erschen. Pariter Dn. Scabini Lipsiensis  
 Mens. Aug. anni proxime praeterlapsi ad interrogatio-  
 nem H. I. W. A. Diweil aber dennoch, nach ausdrückli-  
 cher Vorschrift derer Römischen Geseze, ein Abwesender, wel-  
 cher das höchste Ziel des menschlichen Lebens, von seiner  
 Geburth an zu rechnen, überschritten, ipso iure vor tode  
 geachtet, durch dieses höchste Ziel aber in denen Gerichten  
 Teutschlandes das 70ste Lebens Jahr angedeutet wird u.  
 adeo quidem, vt etiam TORGAVIENSES lege muni-  
 cipali cauerint, vt hac aetate mortui haberentur, qui  
 longo tempore abfuerunt. *Verba Statuti sub tit:* Wie  
 die andern Güther und Vermögen u. u. Wenn eine Person  
 sich von hinnen in die Fremde begeben, von deren Leben oder  
 Tode in 30. Jahren Jahr und Tag nichts Gewisses hat erfah-  
 ren werden können, und kündlich ist, daß zu der Zeit, da  
 seine nächste Erben ab intestato sein Vermögen ihnen abfolgen  
 zu lassen, ansuchen, die abwesende Person das 70. Jahr  
 ihres

ihres Alters überschritten haben müsse: So soll nicht vermuthet werden, als ob dieselbe noch am Leben wäre, und dennoch seinen Erben an Empfangung seiner Verlassenschaft kein Einhalt geschehen, dieselbe auch derowegen einigen Vorstand zu bestellen nicht pflichtig seyn.

### §. IX.

Nunc quoniam satis diu in alto iactati sumus, concitato cursu ad portum nauem dirigemus, datisque velis ad singularem quandam facti speciem, quae huic dissertationi conscribendae causam dedit, properabimus. Narratio longa est, sed nos, praetermissis iis, quae ad nostram quaestionem nihil pertinent, quam breuissime potest, referamus. Radeburgi nempe, quod oppidum est Misniae, *Saengerus* quidam, id enim hominis nomen est, cum iam annum ageret septuagesimum secundum, anno a Christo nato 1742. relicta vxore, a domicilio suo senex abierat, in patria sua, quae Hungaria erat, mori se velle perhibens. Nullus de eius morte seu vita nuncius. Cum itaque per aliquod tempus abfuisset, vxor eius Elisabetha anno 1744. cognatas quasdam in testamento heredes scribit, iisque bona, quae mobilia erant, relinquit. Moritur. Iam adita hereditate, absenti marito curator datus testamentum vxoris ex eo capite impugnat, quod testatrix res mobiles, quae Saxonico iure post vxoris mortem marito deferuntur, testamento subtrahere et alienare nullo modo potuisset. Sane probabilis ratio, quam tamen hac via scriptae in testamento heredes subuertere conabantur, vt dicerent: maritum iam septuagenario maio-

rem

rem domo profugisse, ideoque secundum illam, omnium suffragio comprobata receptamque sententiam, iam mortuum videri. De qua re Lipsiensium ordo cum a senatu illius loci consuleretur, absentem pro mortuo declarare merito dubitavit. Neque enim mortuum iudicare potuit eum, qui modo vixerat. Septuagenarium pro mortuo haberi, mera praesumptio iuris est, quae, simulac de veritate constiterit, cessat continuo: *L. ult. pr. D. quod met. caus. l. 57. D. de iur. dot. l. 25. pr. D. de probat.* Quemadmodum enim sororem suam exoricens Phoebus pellit Auroram, ita sororem suam Opinionem pellit fugatque Veritas. Quam ob rem, cum omnes praesumptiones solum de rebus dubiis ineantur, et omnes eiusmodi coniecturae non diutius valeant, quam usque doceatur contrarium, sane si contra evidentiam facti, propter solam aetatem hunc Radeburgensem senem mortuum iudicassent, vereor ne hoc plurimum abhorrens fuisset a iuris ratione.

### §. X.

Si igitur pro mortuo ne ille haberetur, iuris ratio vetabat, videamus, quanam alia hac in re via eligenda videatur. Forte duplicanda erunt tempora *arg. l. 8. D. de poen.* Solet enim interdum fieri, ut, si simplum non sufficiat, duplum a peritis statuatur. Sic Iustinianus, cum usufructu naturam transformaret, res immobiles inter praesentes quidem praescribi voluit X. inter absentes vero XX. annis. *L. un. C. de usufr. transf.* Idem fieri novimus, si testator in plures, quam duodecim uncias, heredita-

tem suam diuiserit. Tunc enim in designandis portionibus duplicari debet vnciarum numerus, vt ex asse dupondium fiat, et si dupondium etiam exhaustum, tripondium §. 8. I. de hered. inst. L. 8. D. eod. Itaque idem faciendum in septuagenario absente facto, videri poterat, vt quasi dupondium annorum fieret. Verum hoc nimis aperte iniquum. Nam si haec tempora velimus duplicare, nimis longum tempus, nimirum 140. anni prodibunt, ad quam aetatem nemo mortalium vnquam peruenire potest. Itaque alia ratio quaerenda.

Ac initio quidem *Octogesimum* annum expectandum existimabam. Nam cum CARPZOVII sententia, quam omnino recepinus, tota his Psalmi verbis innitatur: *dies annorum nostrorum sunt anni LXX.* quibus statim subiicitur: *Et si alicui contingat vita longaeua,* TVM OCTOGINTA anni erunt, non inepta videbatur sententia, quae in eo, qui septuagenarius cum esset, demum disparuerit, octogesimum annum expectandum esse, diceret. Sed in aliam non immerito sententiam iuerunt Icti Lipsienses Mens. Febr. 1748. vtpote qui hac in causa centesimum aetatis annum exegerunt. Cuius Enunciati, cum mihi Dn. Praeses copiam fecerit, operae pretium est, vt illud lectoribus nostris pariter impertiamur.

P. P. daß Kläger dasienige, so ihm zu erweisen auferlegt, und er sich angemaasset, zur Nothdurfft erwiesen, deswegen & Beklagter der verstorbenen Elisabeth Sängerin mobilienrische Verlassenschaft, vermittelst eines zu Recht beständigen

Inuen-



*Inuentarii*, oder in dessen Ermangelung einer eyblichen Specification, Klägern aus zu antworten, dieser hingegen, so lange bis der abwesende Säger das Hunderste Jahr seines Alters erfüllet oder dessen Tod beigebracht, dieser Verlassenschaft halber hinlängliche *Caution* zu bestellen schuldig B. R. W.

## RATIONES DECIDENDI.

Sowohl Beklagter, daß diese Klage ungegründet, also nicht statt haben könne, in den Gedanken siehet, angesehen der abwesende Ehemann zu der Zeit da sein Eheweib verstorben, bereits über 70. Jahr alt, folglich denen Rechten nach vor verstorben zu achten gewesen u. u.

Dennoch aber und bieweil der Ehemann Johann Säger zu der Zeit, da er nach dem Anführen Vol. O. fol. 1. seq. von seinem Eheweibe zwey Jahre vor deren Absterben sich weg begeben, Beklagters fol. 25. und 43. eiusd. Vol. befindlichen eigenem Geständnisse nach, bereits über 70. Jahre alt gewesen, in solchem Falle aber die angezogene Präsumtion cessiret, und so dann biß des *Absentis* Absterben beigebracht, oder biß er das Hunderste Jahr, als das höchste Alter eines Menschen, erfüllet, abgewartet werden muß, So ist u. u.

### §. XI.

Atque haec sententia iusto omnino nititur fundamento, nec destituitur ratione. Nam cum duae, prae caeteris omnibus, opiniones in foro plausum meruerint, una FINCKELTHAVSII centesimum, altera CARPZOVII septuagesimum aetatis annum vitae finem statuentis, quarum haec illa receptor est, caeterorum vero, qui

E

alia

alia tempora praefinierunt, sententiae ignobiles semper contentaeque fuerint, fieri aliter non potuit, quin, cum causa aliqua impediret, quo minus secundum communem opinionem pronuntiaretur, eligeretur altera, quae auctoritate et plausu ad illam proxime accedit. Nam in eligendis Doctorum opinionibus hanc viam merito tenemus, ut primario quidem illi assentiamur, quam plurimi probant; magna enim praerogativa illius, quae communis vocatur. Sin autem quid prohibeat, ne huic adhaerere queamus, tunc eligenda videtur ea, quae deinde a pluribus laudatur, quaeque, si patronos eius et defensores numeres, post communem secundum locum tenet. Huius regulae, quam in eligendis plurium opinionibus tenendam esse diximus, si quis rationem postulat, ad *L. un. C. Theod. de resp. prud.* prouocamus, in qua Theodosius et Valentinianus ad senatum urbis Romae ita rescripserunt: *Vbi autem diuersae sententiae proferuntur, potius numerus vincat auctorum.* Numerari volunt Imperatores, non ponderari iuris peritorum sententias, et in contrariis eam eligi, quam prudentium plurimi probarint. *L. 36. D. de re iud.* Hanc regulam ut in usum conuertamus, sane in proposito exemplo ante omnes erat illa *CARPZOVII* sententia, tanquam recepta et vulgaris, amplectenda. Sed cum casu irrita ac inutilis fieret, quam quaeso aliam, nisi illam *FINCKELTHAVSII* eligamus, quam ad communem auctoritate proxime attingere, superius diximus; Inprimis cum haec ipsius glossae sit opinio, cuius quanta olim potestas fuerit, nostrorum nemo ignorat. Neque

vero

vero dubito, quin, vbi ius et meliorum interpretum opiniones deficiunt, hodie etiam ad Glossam, veluti ad sacram anchoram, confugere possimus. Nunquam enim animum inducere potui, vt illud BEYERI probarem, qui in *Notit. Auct. iurid. specim.* 2. no. 5. p. 9. eam penitus e foro scholaeque tollit. *Tacitum* inquit, *abeundi consilium Glossa dudum accepit, vt, hodie quidem pro ciuilitate mortua habeatur;* sed potius BRUNQVELLO assentior, qui in *Historia Iuris P. 3. membr. 2. c. 5. §. 10.* Accursii maximam adhuc in foris nostris esse auctoritatem asserit. Haec igitur ratio fuisse videtur, quamobrem, cum communis sententia in hoc casu non sufficeret, ad glossae auctoritatem et olim laudatam sententiam illi confugerent.

Praeterea et hoc accedit, quod intra septuagesimum et centesimum annum non est alius intermedius, qui notabilis dici possit, aut de quo in iure quippiam scriptum sit, aut qui a medicis et iureconsultis pro fatali habeatur.

Vnum tamen est, quod vereor. Scilicet, ne hic ita praefinitus in sententia terminus nimis remotus quibusdam videri possit. Immane longum tempus est, hic quidam dixerint. Cui illud bono? Quis, cum centesimus annus venerit, adhuc vixerit? Quis fruatur hac absentis hereditate? vix sane

*Nati natorum, vix qui nascuntur ab illis.*

Ad hanc dubitationem vt breuiter respondeamus, primo summum absentium fauorem esse, (vt §. 1. declarauimus.)

recordemur. Itaque ne vlllo vnquam tempore, nullo modo violari possit, longissimum huic seni spatium concedendum fuit, cum fieri facile possit, vt aliquando reuertatur. Tutius itaque videbatur ac salutaris, iura illius intacta conseruare, quam post rem vulneratam aliquando remedium quaerere.

Videmus enim, ius ciuile, quoties cuiquam fauet, quoties pro cuiusquam salute ac commodo vigilat, praeter omnem modum anxie prouidum sollicitumque esse, et in eiusmodi causis non solum ad ea respicere, quae fieri solent, sed etiam, quae fieri possint. In specie autem leges Romanae absentibus et omnibus iis, qui nusquam sunt, sed fore sperantur, omnimode prospiciunt. Huius rei, ne exemplum desit; ecce in hereditatis diuisione eius, qui filium reliquit et vxorem praegnantem, hereditas in quatuor partes diuidenda, earumque tres ventri asseruandae sunt, quia possunt tergemini nasci. *L. 3. D. si pars hered. pet.* Nasci possunt, sed nasci non solent, et tamen Paulus in gratiam futurorum, quibus leges prospiciunt, etiam ad id, quod fieri possit, reflexit oculos. Aliud de nascendi legitimo tempore exemplum adiciamus. Queritur, quo mense oporteat natum esse eum, qui possit legitimus videri? Rarissimum hercules! vt quis iam septimo mense perfectus homo nascatur, attamen ne forte parentibus, tale nihil meritis, ex praematurato partu infamia stupri concilietur, quia fieri tamen interdum solet, vt quis iam septimo mense homo nascatur, hunc, qui breuissimus est, legitimum terminum videri voluerunt.

*L. 12. D. de statu bom.* Contra, tamen si raro euenire soleat, ut quis decimo demum mense in luminis auras prodeat, tamen cum fieri hoc possit, hoc tempore natum adhuc legitimum haberi, *IUSTINIANVS* iussit *nov. 39. c. 2.* Similiter ergo, licet raro contingere soleat, ut huius aetatis homines, si semel abierint, reuertantur, tamen cum hoc fieri possit, merito ad extrema tempora absentis hereditas videtur differenda. Ius enim finitum et potest esse et debet *L. 2. D. de iur. et fact. ignor.* legesque omnes ac regulae ita scribi debent, ut plerosque casus, qui quandoque inciderint, sub se comprehendant. Hoc quamquam non fieri possit, *L. 10. D. de legib.* tamen ut fiat, quantum possit, allaborandum est. Lege enim nimis angusta, et iure non satis finito, nihil est insipidius. Quamobrem ius Romanorum civile satis laudari non potest, quod in definiendo puncto temporis certo, non solum ad id, quod fieri soleat, sed etiam ad id, quod possit, semper respicit atque obseruat etiam rarissimos casus. *ZASIVS* ad *L. 3. no. 10. 11. 12. D. de legib.* Vetus erat controuersia, quibus annis pubertas aestimanda sit? Post varias concertationes tandem Proculianorum sententia praeualuit, qui puellam XII. anno viripotentem, puerum XIV. annorum puberem statuebant. Non quidem probabile, ut annorum duodecim puella, aut puer quatuordecim, liberos procreaturi sint, et tamen hac aetate matrimonium, sobolis quaerendae causa a Deo institutum, iniri posse, constitutum est *L. 25. C. de nupt. pr. I. quib. mod. tut. fin.* Haec et similia satis indicant, leges ciui-

les in ponendis terminis et puncto temporis praefiniendo potius possibilia, quam probabilia intueri.

Non igitur iniqua videri potest, aut nimis scrupulosa sollicitudo eorum, qui centum demum annis septuagenarium absentem factum mori statuerunt, inprimis cum MASCARDVS in Tr. de probationibus et BERGERVS in Oeconomia iuris quorundam septuagenariorum meminerint, qui inopinato reuersi fuerint. Nec nouum etiam illud, vt homines ad centesimum vsque annum vitam perducant. Est enim hic finis longaeui hominis, et ideo VARRO in libro quinto de lingua latina scribit: *seculum dictum a seculo*, quod illud spatium longissimum veteres senescendorum hominum iudicauerint, quae quidem opinio nobis videtur ab Aegyptiis ortum duxisse, a quibus ad Graecos, a Graecis vero porro ad Romanos demanauit. Aegyptiorum enim hanc doctrinam tradit C. PLINIVS *Hist. Natur. Libr. XI. c. 37.* quo loco etiam rationem reddit, quamobrem homines ultra centesimum annum vivere non soleant. *Augeri*, inquit, *cor per singulos annos in homine, ac binas drachmas ponderis ad quinquagesimum annum accedere: ab eo detrabi tantundem; et ideo non vivere hominem ultra centesimum annum defectu cordis Aegyptii existimant.* Perite igitur Caius iureconsultus hunc finem longaeui hominis prodidit, quae sententia non dissonat, sed conuenit cum sacris litteris. Nam *Genes. c. 15. v. 16.* dicit Moses: *Post hominum quatuor aetates*, quae verba idem explicat ibidem: *v. 13. Post quatuor secula.* Et Syracides *cap. 18. v. 8.* ait: *Nu-*

merus dierum, etiam si multi videantur, sunt centum annorum. In historiarum monumentis quam plurimos, qui non solum vsque ad annos centum, sed etiam ultra vixerunt, inuenimus. Nolo iam illa fabulis inuoluta et antiquissima tempora in memoriam reuocare, quibus Arganthonium, Tartessiorum regem, annis CL. et Cyniram Cypriorum etiam decem annis amplius spirasse, scriptores tradiderunt, inter quos XENOPHON maritimorum quendam principem in Periplo DC. eius filium autem, ne parce videretur mentitus, DCCC. annos inter homines fuisse prodidit. Inepte haec dicuntur et falso. Illi enim veteres temporis rationes non satis accurate distinguere solebant. Non idem omnibus annus populis, non idem seculum. Maioribus quidem nostris, vetustis nempe Germaniae populis, triginta anni erant seculum, HEINECCIUS *Elem. Iur. Germ. Lib. 2. tit. 4. §. 100. seqq.* et ideo demum XXX. annis res immobiles vsu capiuntur. Aliae gentes annum aestate vnum determinarunt et alterum hyeme; aliae quadripartitis temporibus, sicuti Arcades, quorum anni trimestres olim fuerunt. Sed his antiquissimis exemplis ne quidem opus est, possumus enim confessis verissimisque testimoniis uti. Adhuc in omni maiori ac potentiori ciuitate singulis fere annis homines seculares passim moriuntur, ut annales docent. Et si in re confessa testes maiores quis exegerit, VALERIUS MAXIMUS a nobis producit, cuius in libro VIII. caput XIII. titulum gerit: *De senectute memorabili*; et C. PLINIVS cuius in *Lib. VII. Hist.*

*Hist. Nat. caput. 48. De spatiis vitae longissimis* inscribitur, imo et *LVCIANVS*, qui singularem librum exarauit *περὶ μακροβίων*; Impium foret, si in commemorandis auctoribus antiquis ciuiliū librorum obliuisceremur, siquidem in *nou. 5. c. 2.* ipse *IUSTINIANVS* Zosimi cuiusdam meminit, qui ad eandem aetatem, quam olim ille Dei nuntius Moyses, peruenit. Verba *IUSTINIANI* haec sunt: *Hoc nobis nuper ex Lycia nunciauit Zosimus, Deo amabilis, vir famosissimus in conuersatione et prope vicesimum et centesimum aetatis agens annum, pollens autem et animi virtutibus et corporis operationibus; Tanta quidem in eo gratia Dei floret.* His nihil amplius, nisi haec *OVIDII* addimus:

*O felix, si quem tam bona fata manent!*





PROCANCELLARIVS  
D. IOHANNES FLORENS  
R I V I N V S

COD. P. P. CAN. MARTISB. CAP. WVRGENS. DECANVS,  
ACADEMIAE DECEMVIR ET ORDINIS ICTORVM  
LIPS. ASSESSOR

SOLENNIA DOCTORALIA  
CANDIDATI DIGNISSIMI  
IOH. DANIELIS OLENSCHLAGERI

D. XV. APRIL. MDCCLI.

H. L. Q. C.

C E L E B R A N D A

I N D I C I V





omni vnique cursus vnus est vitae, ab omnipoten-  
te huius vniuersi moderatore datus, cuius finis est  
omnino mors *L. 57. C. de Episc. et Cler.* tanquam  
terminus vitae omnibus hominibus constitutus *Nou. I.*  
*c. 1. in f.* Incerta tamen est tremenda mortis hora *L. I.*  
*ff. de cond. et dem.* Diem, quem hodie agimus, cum morte diui-  
dimus. Recte valentes igitur illud agamus, quod in articulo mor-  
tis a nobis actum vellemus. Reddendae sunt rationes in extremo,  
quod imminet, iudicio. Vnum est bonum, quod beatae vitae cau-  
sa ac firmamentum est, sibi et conscientiae fidere. Mens conscia  
recti et intemerata conscientia erga Deum, semet ipsum, et eos,  
cum quibus viuendum est, et vitam parant felicem et placidam  
mortem. Fac temet ipsum felicem! facies autem, si intellexeris,  
bona esse, quibus admixta est virtus: turpia, quibus malitia coniun-  
cta est. Ita enim mortalitas magis tua finietur quam vita, teste  
*PLINIO L. II. Ep. I.* Medii temporis cursum, si bene eo uti velis,  
etiam paruam amplissimum efficies, numerum annorum multitu-  
dine operum superando. Alioqui, quid attinet inerti mora gau-  
dere, si magis vitam exegis, quam approbas? *VALERIUS MAX.*  
*Lib. IX. C. XII.* Boni viri ergo est, ingenii, quod alias marcescit,  
vires intendere laborando. Assidue addiscens ad senium venio,  
dixit *SOLOON*, honesta si quae feceris cum maximis laboribus, ce-  
dentibus laboribus dulcis manebit gloria: Beata mors praemium  
laborum. Sed et firmatur corpus vires eius ac animi exercendo,  
et ex mea sententia ad prouectiorem aetatem conducit, ut, sene-  
scitibus membris corporis, intus animum industriae beneficio flo-  
rem iuuentae auget. Iucundum lectu est elogium, quo *IUSTI-*  
*NIANVS Nou. V. Cap. II. §. 1.* condecorauit *ZOSIMVM* Episco-  
pum, dum ita scripsit: *hoc, quod nobis nuper ex Lycia nuncia-*  
*uit Zosimus, Deo amabilis, vir famosus in conuersatione, et prope*  
*vicessimum et centessimum aetatis agens annum, pollens autem et*  
*animi virtutibus et corporis operationibus: tanta quaedam in*  
*eo gratia Dei floret.* Meretur hoc caput inscriptionem: *FLO-*  
*RENS SENECTA VIRTUS.* Cum contra inutilia terrae ponde-

## IV

ra, inerti otio assuefacta, citius tumultu mancipentur. Licet vero dies nostri, manibus et libro providentiae aeternae, eius, qui ius vitae et necis in mortales sibi vindicat, sint inscripti, sollicita nihilominus etiam Iurisprudencia nostra de termino vitae et mortis rite indagando. Quamdiu vero homo vivere praesumatur, certo definiri nequit. Sane longe difficilior est probatio mortis quam vitae, pro qua praesumptio militat, siquidem mortis cuiusque vnus tantum locus, vnum instans est; vitae vero et plures loci et plura tempora. Dies nostri in manibus omnipotentis, qui arbiter vitae et necis; hunc cito ex his terris euocat, alium extremam aetatem attingere permittit. Praesentem mortuum efferre et lugere solemus, absentem mortuum ignoramus, immo saepe adhuc viventem praesumimus, qui ante plurimos annos humatus. Distinctio illa inter mortem naturalem et civilem, siue iuridicam, varios motus in foro nostro, in diuersis iuris prudentiae capitibus, praesertim lite super hereditate diu absentis mota, excitauit, et incerto adhuc iure utimur, quam incertitudinem ambiguitati legum et inconstantiae interpretum circa terminum vitae peremptorium debemus.

Multi Doctorum vitam hominis longaeui centum esse annorum statuunt, quorum curricula si absens excefferit, demum spem reditus dimittunt eundemque pro vere mortuo habent; non quidem ex commentitia et ridicula illa medici caesariensis Dioscoridis ratione, quem errorem etiam Aegyptii tenuerunt, quod cor hominis ad quinquaginta annos inque singulos duabus drachmis crescat, a quinquagesimo vero ad centesimum totidem drachmis iterum decreseat, indeque necessario et inuitabili naturae lege mors sequi debeat. Hoc enim posito, nullus mortalium hunc vitae terminum, tanquam extremum, superare possit. Sed leges civiles et auctoritatem imprimis Imperatoris Iustiniani in auxilium vocant, qui in *L. 23. C. de S. S. Eccl.* vnum tantummodo terminum vitae humanae imposuit, id est centum metam annorum. Idem cum in *Nov. IX.* in fauorem locorum piorum statueret, ut iura illorum per centum annos manerent salua et integra, ita vt

non possit eis alia praeter centum annorum obuiare exceptio, hanc  
 decidendi rationem adiecit: cum tempus vitae longaeui ho-  
 minis plerumque finis esse dignoscatur. Quam Nouellam sup-  
 positam esse censent DVARENVS, HILLIGER, TABOR, citati  
 a STRAVCHIO *Diff. IIX. lib. 3.* Interim nec desunt leges aliae,  
 in quibus terminus vitae longissimus totidem, centum nempe an-  
 norum, dicitur *L. 56. ff. de usufr. L. 8. ff. de usu et usufr. leg.* quoto  
 tempore personalis illa seruitus ciuitatibus legata, ad imitationem  
 hominis longaeui, extinguitur. Tenuit hunc pronunciandi modum  
 Ordo Istorum Vitebergensium apud Bergerum *Dec. CXIIX.* et Li-  
 psiensium ante centenos annos: *Diueil aus Vermuthung de-  
 rer Recht: der Mensch bis in die 100. Jahre zu leben geach-  
 tet wird, und also auch d. r. Ausländische durch die rechtliche  
 Vermuthung, noch am Leben seyn kan:* eidemque nouissi-  
 mo tempore speciali tamen casu inhaesit. Et huic sententiae ad-  
 dicti, quos ex multis nominasse sufficiat, STEPH. GRATIANVS  
*Discept. for. Tom. III. Cap. 362. num. 26.* CARD. TVSCH. *Pract.  
 Concl. lit. V. concl. 226.* MERLIN. *Dec. Rot. Rom. dec.  
 CCXVIII. n. 8.* Alii rem totam mero arbitrio prudentis iudicis  
 committunt, qui probe ponderatis circumstantiis personarum  
 loci et temporis diiudicare debeat, an absens pro mortuo haberi-  
 dus sit nec ne? Intermediam viam se inuenisse credunt, qui ter-  
 minum vitae ad annum septuagesimum, non quidem inchoatum  
 sed completum, reuocant, autoritate freti Scripturae Sacrae *Pf.  
 XC. v. 10.* vitam nostram tamdiu regulariter durare asserentis, quod  
 spatium pleraque Collegia Iuridica assumerunt. Animaduertit LA-  
 COBUS CVRTIVS *Brugensis Ictus Coniectur. Iur. Civ. L. I C.  
 XXXVI.* ex responso AEMILII MACRI *L. 68. ff. ad L. falcid.* hoc  
 temperamento uti nos posse, ut vulgaris et tanquam communis vi-  
 ta hominis esse existimeretur sexaginta annorum. Ita in casu, qui  
 in iure nostro nominatur omisus, ad liquidum perueniri posse,  
 adeoque ex bono et aequo nec maximum tempus, quod paucis ad-  
 modum videre datur, nec minimum, quo vulgus hominum, fere  
 peruenit, in causam praesumptionis cadere, sed illud, quod medium

et inter vtrumque est. Nec mutare, illud fieri posse, vt qui nunc absens et peregre agit, ad suos redeat, quia necesse non esse, vt quid quid fieri potest, id statim tanquam pro certo futurum, aut rerum praesentem statum conturbet, aut ordinem et executionem iuris moretur, multis et magnis exemplis probari possit, ceu *ex L. 2. ff. si pars hered. pet.* euincere allaborauit. Medietatem adeoque sequi videtur, vt neque quod frequentissimum et fere quotidianum, nec rursus, quod admodum raro contingit, praeferrat; interim cum SCAEYOLA praeterire aliquid temporis debere censeat, quo cessasse videatur *L. 35. pr. ff. de negot. gest.* Idem spatium sexaginta annorum definiuit FRANCISCUS ZARATA *Dec. Rotae Rom. Dec. LXXXIX. num. 15.* Meam quod attinet sententiam, statim derelinquo partes eorum, qui in re tam ardua vnice acquiescunt in voluntate iudicis, nec ipsi tribuo potestatem, pro lubitu fata absentis dispensandi, et vel prorogandi eadem, vel si absens, infra aetatem, quam huc vsque mores receperunt, accelerandi, licet fortasse absens vitam luxuriosam egerit, difficultate itinerum fessus, ratione viuendi comoda destitutus, fractus laboribus, militiam secutus, aut alias ob causas quascunque ad longiorem vitae terminum vitam produxisse eundem credibile non sit, ad quae alii respicere solent vid. laudatus BERGERVS *loc. cit. num. 3. sequ.* et *B. patris Disput. de fauor. iur. circa bona diu absent. Lips. an. MDCLXXIX. bab. §. XXIX.* quaeque iudicem ad variantes sententias mouere possent. Mihi videretur eiusmodi effatum fortuito enatum, ac a pluralitate votorum et inconsulta inclinatione iudicantium magis quam ex rerum argumentis natales ducere; praesertim, cum plerumque, deficiente iuris autoritate, quilibet pro genio suo decerneret soleat, nec praeter placitum, aliam asserre rationem valeat suae decisionis. Fautor absentium non permittit licentiam grassandi in eorundem patrimonia. Quare improbo CAEPOLLAE consilium et responsum, quod *Lib. II. Conf. XXXII.* de matre, quae ad successionem filii, per viginti octo annos, vbinam locorum commoraret, ignorati, adspirante, in fauorem eius reddidit. Nec magis commoueri me patior, vt annum centesimum

tesimum aetatis, quem ipsum Numeri paucissimis mortalium praefixit, eligam. Mallens edictalibus citationibus locum relinquere; cum nulla reddi possit ratio idonea, ob quam ad celebranda illa secularia quis fictione potius quam praesumptione admittendus sit; superat hoc omnes probabilitates, ideoque *CARPZOVIO P. III. C. 15. def. 57. num. 4.* codici sacro repugnare, immo ridiculum videtur. Quidni praeferant illi, qui tale spatium definiunt, annum octuagesimum, quod magis iuri diuino conueniret, in quo de centesimo anno nec vola nec vestigium extat. *IUSTINIANVM* vero in hac re ducem eligere nollem, qui, siue insigni fraude, uti nonnulli autumant, circumuentus, siue religioso proposito erga pias causas inductus, quod verosimilius, et ex legis verbis *L. 23. C. de S. S. Eccl.* quod ipsi cordi fuerit, nullis temporum metis huiusmodi actiones circumcludi, colligere licet, ipse rationem decidendi sanctionis suae experimento inutilem agnouit, dum longissimum et inusitatum illud temporis spatium ad quadraginta saltim annos reuocauit, *vid. Nou. CXI. Cap. I.* Sane rationes decidendi vim rei iudicatae et decise non assumunt, nec *Iustinianus* asseruit, quod homines facile ad centenariam aetatem pertingant, sed saltem quod vitae longaeuitae spatium aliquando usque ad centum annos durare queat, et secundum naturam possibile sit, hominem per seculum centum annos videre. A communiter tamen accidentibus verosimile id non est, quod rarissimum, nec quicquid est possibile, idem quoque est verosimile. Iudex vero iustus ac aequus aestimare ac praesumere non debet, quae repugnant experientiae quotidianae; quod enim semel aut bis existit, ut ait *Theophrastus*, praetereunt leges et ex his, quae forte vno aliquo casu accidere possunt, iura non constituuntur, et ad ea potius debet aptari ius, quae et frequenter et facile, quam quae perraro eveniunt *L. 3. 4. 5. ff. de L. L. L. 64. ff. de R. I. L. 114. eod.* In primitiua mundi aetate incolae terrae non saltem centum, sed ducentos, trecentos annos et ultra explebant. Sed et nouioribus temporibus *Clodiam Ofelli* 15. annos, *Terentiam Ciceronis* 17. annos transgisse, *Luciam Mimam*, centum annis in

scena pronunciaſſe; Caroli Magni temporibus militem Ioannem de Temporibus 360. annos numeraffe legimus. Noſtrum aeuum quotannis fere centenarios ſenes aut prope ad illam aetatem accedentes terrae mandat. Minimum eadem facilitate, qua aetatem ſeptuageſimam e ſacris literis pro termino praefumtiuo dierum hominis ſtabilimus, autoritate *Geneſeos VI.* ſenium centum viginti annorum poſſemus expectandum definire, quandoquidem ibi dicitur: Non permanebit ſpiritus meus in homine in aeternum: quia caro eſt, eruntque dies illius centum viginti annorum. An propterea argumentum duci poteſt, Sempronium abſentem eodem modo tamdiu viuere potuiſſe? Fortiter propugnat noſtram ſententiam IAC. MENOCHIVS *de Praeſumr. Lib. VI. praef. XLIX. per tot.* Igitur optimum erit, ferente uſu et obſeruantia fori, pronunciando in numero ſeptuaginta annorum abſque diſtinctione caſuum et circumſtantiarum ſubſiſtere. Non alienus tamen ſum, quominus breuior vitae terminus in hac epocha iuris incerti lege publica, ad tollendas tot diſſenſiones et variantes Collegiorum ſententias, praefiniatur, ipſemet potius id in votis habeo. In *L. 6. ff. de diuort. et repud.* eo in caſu, ſi in incerto eſt, an abſens maritus uiuus apud hoſtes teneatur, vel morte praeuentus, deciditur, quod ſi quinquennium a tempore captiuitatis exceſſerit, licentiam habere debeat mulier ad alias migrare nuptias: ita tamen, ut bona gratia diſſolutum videatur priſtinum matrimonium, eodem iure et in vxore captiua obſeruando. In Gallia is, qui per decennium abſens fuit, ſi nullus interim de eo nuncius venit, pro mortuo declaratur, bonaque eius heredibus proximis adiudicantur. Interdum et ſeptennium, teſte MORNACIO in *Cod. T. de ſſ. Ecl. ad L. fin.* quod imprimis Coenomanis atque Andibus magis placuit. ANT. FABER in *Cod. L. V. T. XL. def. 3.* ſcriptis Auguſtanorum moribus cautum eſſe memorat, ut qui per quindecim annos abſuit, ita ut, ubi ſit et an uiuat, ignoretur, pro mortuo haberi debeat, perindeque eius bona inter proximiores heredes diuiduntur, ac ſi eum mortuum conſtaret et probatum eſſet. Adde *Statutum Torgauienſe apud Finkelthuiſium obſ. 100. num. 10. et Ill. de Leyſer Spec. ad Pand. XCVI.*

Med.



*Med. IIX.* vbi tamen requiruntur duo, vt nempe 1) absens quis fuerit per 30. annos, annum et diem, et 2) compleuerit annum septuagesimum. In Regno Bohemiae edicto Imperatorio de dato Pragae d. 29. Mart. anno 1616. constitutum est, quod absens per triginta annos annum et diem pro mortuo haberi eiusque bona sine cautione proximis cognatis deferri debeant, teste *RICHTERO P. I. Dec. LXVI. num. 6.* Cui Sanctioni lubens calculum adicerem, et legibus nostris eandem, in suffragium vocatus, conformarem. Apud nos enim omnia iura et actiones reales et personales, quocunque nomine veniant, regulariter tanto tempore, mediante praescriptione extinguuntur, imprimis rerum dominia collocantur, licet obiectum litis multorum millium quantitatem excedat. Existimant enim leges, cum, qui per tantum temporis tacuit, et in iure suo persequendo adeo negligentem se exhibuit, renunciaſſe iuri suo et animum donandi habuisse. An non eadem ferenda est sententia, et praesumptio nascitur contra eum, qui patrios lares deseruit, peregre profectus per triginta annos absuit, neque propinquos de statu suo et vitae genere electo literis certiores reddidit? Nonne credere licet, eundem iuribus suis plane abdicare se voluisse, et animum derelinquendi et donandi ipso facto declarasse? eo cum effectu, vt consanguineis eius proximioribus derelicta cedant, et ex eo tempore ipso iure in eosdem tranſeant, vt consecim faciat accipientis, nec vnquam vlllo facto ad se reuerti velit. *L. 1. §. 1. ff. de donat.* licet postea reuertatur, nouus enim tunc videtur homo esse, sicut in *L. 27. §. 1. de adim. legat.* dicitur, et sufficeret dominis ad inquirendas res suas statuti temporis spatium. *L. 1. ff. de usurpat. et vsucap.* Magna sane mihi intercedere videtur similitudo inter praescriptionem et successionum iura. Vti Reipublicae interest, vt rerum dominia finita praescriptione in foro externo confirmantur, ita profecto bona absentium, qui nunquam animum reuertendi habent, legitimis successoribus tribuantur. Luat poenas culpae et supinae negligentiae, qui ad quemcunque statum peruenierit, intra tempora definita, patriam, parentes, bona sua,

## X

spemque futurae successionis ita obliuioni tradidit, vt ne quidem de iis sollicitus fuerit, aut rerum suarum conditionem explorauerit, aut amissionem iuris per interruptionem auertere allaborauerit. Non videtur Respublica vlllo vinculo obstricta, vt ei in longius tacita prorogatione termini praescriptionis iura sua conseruet, qui se per tantum temporis interuallum nullo modo ciuem praestitit. CICERO eum, qui nusquam est nec inuenitur, mortuum dicit. conf. MASCARD. *de probat. Vol. II. Concl. 1076. num. 3.* Bona vero semel amissa, morte naturali secuta, de iure ita extincta censentur, vt nunquam reuertantur, nec vitam naturalem quisquam sua culpa amissam recuperare potest. Imitetur ergo mors lege determinata naturalem. Dubium moueri solet de bis mortuo et resuscitato, vti Lazaro, an, si redeat, bona sua in heredes transmissa repetere possit; semel enim et in perpetuum sublata obligatio reuiviscere et restitui non potest *L. 98. §. 8. ff. de solut. et in L. 14. ff. de Captiu. et postlim. reuers.* asseritur captiuo redeunti liberos, si eos reliquerit, restituendos esse, vxorem vero iure postliminii non recipere, statuitque *Glossa c. 2. licite c. 32. qu. 7.* non reuertit ad eiusmodi hominem, etiam si statim miraculose resuscitetur, beneficium ecclesiasticum, quod habuit, quamuis non denuo baptizandus vel ordinandus sit. conf. HENRICI VERDVYN. *Disqu. Iurid. de Testam. et Hered. Lazari bis mortui aliorumque bis mortuorum.* Applicari huc posse videntur verba *L. 65. §. 12. ff. pro soc. cum in eius locum alius succedat pro mortuo habetur.* Quid itaque impedit, quo minus lege publica caueri possit, quod, tempore ordinariae praescriptionis tricennalis praeterlapso, spes recuperandi bona absentis, aequae ac alia praescriptione acquisita euanesceat, et is, qui semel heres hoc modo extitit, non desinere heres esse debeat. *L. 88. ff. de hered. inst.* Nec poterit prouocare ad beneficium restitutionis, cum nunquam possit esse laudabilis absentia, quam quis ita transigit, sine vlla patriae recordatione. Superat certe ius, quo hactenus hac in parte vsi sunt absentes, insigne illud iuris postliminii beneficium, siquidem fictio postliminii obtinet in

iis

XI  
iis tantum, quae iuris sunt non facti, ut possessio *L. 12. §. 1. ff. de capriu. et possl.* Casum Specialem de absentia, quae demum post septuagesimum annum contigit, persequetur Dn. Candidatus, cuius solennia Doctoralia indicenda mihi nunc veniunt. Est is Nobilissimus.

## IOHANNES DANIEL OLENSCHLAGER.

Natus Francofurti ad Moenum die XVI. Augusti A. AE. C. Mille-  
simo Septingentesimo vigesimo octavo, Patre, IOHANNE CON-  
RADO OLENSCHLAGERO, rei nummariae negotiatore; Ma-  
tre vero, MARIA MAGDALENA, nata FRANCKIA, quorum  
praematuram mortem pius luget, eorundem tamen cura ab in-  
eunte aetate fidei bonarumque artium fundamentis imbutus  
est. Vix sexennis Gymnasium patrium frequentavit: Inde Ly-  
ceum, quod Ulmae floret, petiit, ibidemque MULLERO, nunc  
Rectori, formandus prae ceteris commissus. Sed et reliquorum  
in Philosophia ac Mathesi Praeceptorum, STROMEYERI nempe,  
BAVERI et FAULHABERI, in se merita grata mente recolit.  
Discessum sibi paravit oratione publica: de Peregrinationibus  
literariis. In Academiam Marburgensem se contulit anno qua-  
dragesimo sexto huius seculi. Ibidem Iuris Naturalis praecepta,  
Historiarumque notitiam ex ore ACHENWALLII hausit: Insti-  
tutionum, Pandectarumque Iuris Germanici scientiam in Scholis  
ESTORIS, HÖMBERGKII ZU VACH, et IHRINGKII sibi com-  
paravit: His exantlatis laboribus Marburgum cum Georgia Au-  
gusta commutavit, ibidemque SCHMAVSII in Historia Im-  
perii, Iure publico et Feudali ducem secutus. Porro in Iuris-  
publici ac Priuati variis partibus, GEBAVERVM, WAHLIVM,  
DOEHMERVM, KOELERVM, et RICCIUM, Praeceptores ve-  
neratus

neratus est. Anno præter lapso Millesimo septingentesimo quinquagesimo, mutato cursu, in Almam nostram concessit. Interfuit in hac nostra Musarum sede CHRISTII Prælectionibus in rem literariam: FRANCKII institutione in addiscenda Praxi Imperiali vsus est. IOACHIMVM Pandectas, vniuersum Processum, et methodum referendi ex actis iudicialibus explanantem sectatus est. Artis denique oratoriae et epistolæ præcepta a GELLERTIO tradita accepit. Tandem absolutis studiis ab Ordine nostro Summos in vtroque Iure honores petiit. Admissus ad ea, quæ subeunda sunt illis, qui ad hanc dignitatem aspirant, examina, in vtroque egregie stetit. Annuimus igitur votis eius. Superest, vt proxima Mercurii die qui XIV. Aprilis est hora pomeridiana II. ad III. lectionem cursoriam ad *L. 8. C. de Reu. Don.* recitet. Proxima ab hac Dissertatione Inaugurali: *Septuagenarius absens factus, quando mortuus præsumatur?* disquiret, sub Praesidio Collegæ nostri æstumatissimi, Viri Excellentissimi Magnifici atque Consultissimi Dn. D. FERDINANDI AVGVSTI HOMMELII. *Inst. in hac Acad. P. P.* et ordinis nostri Collegæ meritissimi. Qui Idem, a me, Autoritate Regia rite constituto Procancellario, delegatus Promotor, illa ipsa die Doctorando nostro dignitatem et priuilegia Doctorum Iuris vtriusque, qui extra numerum sunt, conferet. Quæ solemnia, vt RECTOR ACADEMIAE MAGNIFICVS, ILLVSTRISSIMI COMITES Proceresque vtriusque Reipublicæ præfentes orrent, Generosissimi etiam ac Nobilissimi Academiae Ciues concelebrent, etiam atque etiam rogo. Dabam Festo Paschatos A. S. R. MDCCLI.

---

L I P S I A E

EX OFFICINA LANGENHEMIANA.



AD 11443620

